

gratiam liberavit, ut, à tempore resurrectionis Domini, iudicium expectetur, exinanitis inferis? Quid ergo in hac re Sanctitati tua videatur, cupio nōsse.

## EPIST. XCIX.

Augustinus Euodio, respondens ad duas quæstiones, quarum altera est de loco obscuro, primæ Petri tertio capite, altera de anima Christi.

*Domino dilectissimo, fratri & coëpiscopo, Euodio, Augustinus in Domino Salutem.*

436.  
Meminit  
Possid. in  
Ind.

**Q**uæstio, quam mihi proposuisti ex epistola Apostoli Petri, solet nos, ut te latere non arbitror, vehementissimè commovere, quomodo illa verba accipienda sint, tanquam de inferis dicta. Replico ergo tibi eandem quæstionem, ut, sive ipse potueris, sive aliquem, qui possit, inveneris, auferas de illa atque finias dubitationem meam. Quod si prior potuero; cum id donaverit Dominus, tibi que impartiri valero; non fraudabo Dilectionem tuam: nunc autem, quæ me ibi moveant, intimabo, ut, secundum hæc, de illis verbis Apostolicis, vel ipse cogites, vel, quem idoneum repereris, consulas.

1. Pet. 3.  
18. & seq.

Cum dixisset *Christum mortificatum carne, vivificatum spiritu, continuo subiecit: in quo, & iis, qui in carcere erant conclusi, spiritibus veniens predicavit, qui increduli fuerunt aliquando, quando expectabat Dei patientia, in diebus Noë, cum fabricaretur arca, in qua pauci, id est, octo anime salvæ factæ sunt per aquam. Deinde subjunxit, & ait: quod & vos nunc simili formâ baptisma salvos fecit. Movet itaque, si apud inferos Dominus, quando mortuus est, in carcere conclusis spiritibus prædicavit, quid boni soli meruerint, ut Dominus ad inferna descenderet*

\* Al. & de  
istis tan-  
tùm duo  
bus tam  
insigne te-  
stimoni-  
um perhi-  
betur: qua  
sententia,  
suo loco, in-  
tegrasse-  
quitur.

\* qui tunc infideles fuerunt, cum fabricaretur arca? Etenim post tempora Noë, multa millia tot gentium usque ad passionem Christi mortua sunt, quæ potuit apud inferos invenire: non utique eorum, qui in Deum crediderant; sicut Prophetæ & Patriarchæ de stirpe Abrahæ; sicut ipse retro Noë & tota domus ejus, quæ salva facta est per aquam; excepto fortassis uno filio, qui postea reprobatus est; sicut etiam, præter progeniem Jacob, alii fuerunt credentes in Deum; sicut Job; sicut civitas Nineve, & si qui alii sunt, qui vel apparent in Scripturis, vel in genere humano latent; sed eorum, dico, multa millia hominum, qui Deum ignorantes, & dæmonum vel simulacrorum cultui dediti, à temporibus Noë, usque ad passionem Christi, ex hac vita emigrârunt; quos apud inferos Christus inveniens, quomodo illis non prædicavit; sed il-  
lis